

Na osnovu člana 108. stav 2. Zakona o visokom obrazovanju („Službene novine Kantona Sarajevo“ broj: 33/17) i dopisa Rektora Univerziteta u Sarajevu, broj: 0101-6922/18 od 07.11.2018. godine, direktor Univerzitet u Sarajevu-Instituta za genetičko inženjerstvo i biotehnologiju, dana 03.12.2018. godine objavljuje:

**IZVJEŠTAJ KOMISIJE ZA IZBOR U ZVANJE VIŠI STRUČNI SARADNIK
ZA OBLAST MOLEKULARNA BIOLOGIJA**

u dijelu koji se odnosi na ispunjavanje propisanih uslova za izbor u istraživačko zvanje od strane prijavljenih kandidata.

Komisija u sastavu:

Dr. **Kasim Bajrović**, naučni savjetnik, Univerzitet u Sarajevu - Institut za genetičko inženjerstvo i biotehnologiju, oblast Molekularna biologija; Genetičko inženjerstvo i biotehnologija, predsjednik;

Dr. **Adaleta Durmić-Pašić**, viša naučna saradnica Univerzitet u Sarajevu - Institut za genetičko inženjerstvo i biotehnologiju, oblast Molekularna biologija; Genetičko inženjerstvo i biotehnologija, član;

Dr. **Belma Kalamujić Stroil**, viša naučna saradnica Univerzitet u Sarajevu - Institut za genetičko inženjerstvo i biotehnologiju, oblast Molekularna biologija, član.

je sačinila Izvještaj za izbor u zvanje viši stručni saradnik za oblast „*Molekularna biologija*“.

Na osnovu člana 29. *Zakona o naučnoistraživačkoj djelatnosti Kantona Sarajevo* („Službene novine Kantona Sarajevo“, broj 26/16) i člana 93. *Statuta Univerziteta u Sarajevu*, Vijeće Instituta je na 69. sjednici, održanoj 10. 10. 2018. godine imenovalo *Komisiju za izbor u istraživačko zvanje – viši stručni saradnik za oblast „Molekularna biologija“* u Univerzitet u Sarajevu - Institutu za genetičko inženjerstvo i biotehnologiju (Odluka broj: 546-1b/18 od 10. 10. 2018. godine). Komisiju čine:

- Dr. **Kasim Bajrović**, naučni savjetnik, Univerzitet u Sarajevu - Institut za genetičko inženjerstvo i biotehnologiju, oblast Molekularna biologija; Genetičko inženjerstvo i biotehnologija, predsjednik;
- Dr. **Adaleta Durmić-Pašić**, viša naučna saradnica Univerzitet u Sarajevu - Institut za genetičko inženjerstvo i biotehnologiju, oblast Molekularna biologija; Genetičko inženjerstvo i biotehnologija, član;

- Dr. **Belma Kalamujić Stroil**, viša naučna saradnica Univerzitet u Sarajevu - Institut za genetičko inženjerstvo i biotehnologiju, oblast Molekularna biologija.

Nakon uvida u dostavljene prijave, Komisija konstatira da se na Javni konkurs za izbor u zvanje viši stručni saradnik za oblast Molekularna biologija u Univerzitet u Sarajevu – Institutu za genetičko inženjerstvo i biotehnologiju (1 kandidat), objavljen u listu "Dnevni avaz" (30. 10. 2018.), na web stranici Univerziteta u Sarajevu (30. 10. 2018.) i web stranici Instituta (30. 10. 2018.), a na osnovu saglasnosti Senata Univerziteta u Sarajevu broj 01-1067/18 od 24. 10. 2018. godine, prijavilo devet kandidata: **Ognjen Lučić**, magistar biologije, usmjerenje genetika, **Semir Kartal**, magistar biologije, usmjerenje mikrobiologija, **Muvedeta Sarajlić**, magistar biologije, usmjerenje genetika, **Lejla Babić**, magistar biologije, usmjerenje mikrobiologija, **Mirjana Beribaka**, magistar biologije, usmjerenje genetika, **Lejla Chandra Romano**, bakalaureat/bachelor inženjerske genetike, **Tamara Četković**, magistar biologije, usmjerenje genetika, **Mirza Čelebičić**, magistar biologije, usmjerenje mikrobiologija, i **Selma Hafizović**, magistar biologije, usmjerenje genetika. Pregledom dostavljenih materijala, Komisija utvrđuje da su sljedeći kandidati blagovremeno dostavili prijave koje su prema uslovima datim u Konkursu bile nepotpune, te stoga nisu uzeti u dalje razmatranje:

- **Muvedeta Sarajlić**, nije dostavila spisak objavljenih naučnih radova i projekata prema zahtjevu iz javnog konkursa;
- **Mirza Čelebičić**, ne zadovoljava kriterij minimalnog prosjeka ocjena na prvom i drugom ciklusu studija najmanje 8 ili 3,5;
- **Lejla Babić**, ne zadovoljava kriterij minimalnog prosjeka ocjena na prvom i drugom ciklusu studija najmanje 8 ili 3,5;
- **Ognjen Lučić**, nije dostavio spisak objavljenih naučnih radova i projekata prema zahtjevu iz javnog konkursa;
- **Lejla Chandra Romano**, nije dostavila dokaz o naučnom stepenu magistra.

Kandidati **Semir Kartal**, **Tamara Četković**, **Mirjana Beribaka** i **Selma Hafizović** blagovremeno su dostavili potpune prijave na navedeni konkurs koje zadovoljavaju minimalne kriterije za izbor u zvanje viši stručni saradnik u skladu s članom 31. *Zakona o naučnoistraživačkoj djelatnosti (Službene novine Kantona Sarajevo, 26/16)* i uslove Konkursa.